

Dino Šakanović - Završni magistarski rad

Fakultet/Akademija	FILOZOFSKI FAKULTET
Tip Rada	Završni magistarski rad
Kandidat, zvanje	Dino Šakanović
Naziv Teme	Industrija Tuzle u vremenu tranzicije (1988.-2008.)
Rezime/Abstract	<p>Rad prati i analizira promjene u industriji Tuzle u periodu naglih promjena koje počinju 1988. i završavaju 2008. godine s početkom svjetske ekonomske krize. Industrija Tuzle nastala je na tri glavna resursa: uglja, soli i kvarcnog pijeska. Na ovim temeljima razvilo se nekoliko velikih privrednih subjekata koji su razgranali proizvodnju na srodne djelatnosti i proizvodili široku paletu proizvoda. Najveći privredni subjekti u Tuzli ovog perioda bili su kemijska industrija „Sodaso“, industrija građevinskih materijala „Igmin“, elektro-inženjerska industrija „Umel“, proizvođač roba široke potrošnje „Proizvodno-trgovinski kombinat“ i ugljenekop „Kreka“ koji je prodavao većinu uglja „Termoelektrani Tuzla“. Industrija je bila organizirana po samoupravnom sistemu u kome su radnici demokratskom voljom odlučivali o poslovnoj politici. Ovaj model, zajedno sa pogrešnom ekonomskom politikom Socijalističke Federativne Republike Jugoslavije, doveo je do inflacije, niske produktivnosti i finansijskih gubitaka u poslovanju lokalne industrije. Do 1989. godine industrija Tuzle prestala je investirati te je počela podizati kredite kako bi financirala tekuće poslovanje. Industrija Tuzle potonula je u gubitke koje je inflacija samo pogoršavala. Ekonomske reforme Saveznog izvršnog vijeća Ante Markovića počele su otvarati jugoslovensko tržište stranim investitorima, uvesti konkurenciju i prekinule su inflaciju 1990. godine. Međutim, naglo otvaranje tržišta, iako se općenito pokazalo korisnim, dovelo je do serije stečaja u nelikvidnim preduzećima. Industrija Tuzle u stanju reorganizacije nakon privrednih reformi SIV-a Ante Markovića bila je teško pogođena ratom i opsadom grada u periodu od 1992. do 1995. godine. U ovom periodu tržišno poslovanje je prestalo, a industrija je proizvodila za stanovništvo i vojsku. Ratna proizvodnja ispraznila je račune preduzeća koja nisu bila u stanju ponovno pokrenuti proizvodnju nakon rata zbog nedostatka novca. Katastrofalne uprave nametnute od strane novih vlasti nakon rata, zajedno s politikom rastavljanja velikih sistema, uništile su industriju Tuzle. Tako uništena industrija ušla je u proces privatizacije i privukla kupce skrivenih namjera kojima primarni cilj nije bio nastavak proizvodnje. Serija loših prodaja, prekidanja ugovora o prodaji i ponovnih prodaja dovela je do finalne likvidacije mnogih industrijskih preduzeća u Tuzli. Sve holding kompanije su uništene u ovim procesima. Do danas su opstale su samo pojedine manje kompanije. Do 2008. godine grad Tuzla prestao je biti industrijski centar. Lokalne vlasti počele su razvijati turizam i mala preduzeća u pokušaju da kompenziraju kolaps velike industrije.</p>
Datum	13.02.2018
Predsjednik	dr. sc. Sead Selimović, vanredni profesor izabran za užu naučnu oblast „Savremeno doba“ na Filozofskom fakultetu Univerziteta u Tuzli
Mentor	dr. sc. Adnan Jahić, vanredni profesor izabran za užu naučnu oblast „Savremeno doba“ na Filozofskom fakultetu Univerziteta u Tuzli
Član komisije	dr. sc. Senaid Hadžić, vanredni profesor izabran za užu naučnu oblast „Novi vijek“ na Filozofskom fakultetu Univerziteta u Tuzli
Član komisije	-
Član komisije	-
Zamjenski član	-
Dodatni detalji i lokacija	Javna odbrana završnog magistarskog rada obaviti će se 13.02.2018 u 11:00 sati na Filozofskom fakultetu Univerziteta u Tuzli
Završne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.